

七

錄

齋

文

鈔

皇太后七旬萬壽頌謹序

臣聞明天察地皇王之孝治攸隆貫月流星聖母之祥
符有自在昔金天啓瑞軒曜呈光如誦徽音任歌思媚
莫不躬膺繁祉福備嘉祺自古為昭於今茲盛欽惟

皇太后德周宇內尊極寰中弗履長綏黃裳叶吉靈萱
蘊秀勗

一人宵旰之勞芬蕙翔聲行奕葉蕃昌之慶為萬民而
惜福寧徒服澣濯之衣先九御以示勤何止闕蠶桑之
館我

皇上老仁罔極舜孝無疆娛色笑於龍樓篤婉愉於燕

寢長春館啓問安每待晨曦同樂園開祝饌常遲晝景
嵩雲岱日扶鳳輦以時巡越水吳山駕龍輶而益止羅
八之玉食備極怡情合萬國之歡心克先承志茲值迎
長之節重逢祝嘏之期決萬壽之昌辰舉七旬之令典
載揚懿範虔奉徽稱青琅裝銀牒之編赤玉鏤金泥之
字麟文鳳篆罄褒揚於六十四字之中螭紐龍蟠綿景
福於億萬斯年之久我

皇上本孝而益推其孝因親而式展其親爰沛綸音用
頒恩詔千官颺拜同膺鸞軸之封百老謳歌溥被鶴綏
之賜沛龍光於鎬席翠琬銀罍錫蕃庶於康侯豐韶重

綺兩科文武彈冠簪益壽之花四海生徒連襪注長生
之籙先是元辰啓旦七曜同躔色正芒寒映銀河之清
淺珠圓玉潤麗碧落以欄編泣雲代以祝釐慧日法輪
湧現光明之藏禮文殊而增筭天花地菜浮來優鉢之
香況夫式廓販圖雖塞狼胥盡荷慈雲之庇蔭宏開慶
宇漢關秦月遙分燦日之光華蓋遐邇蒙休戴鴻慈者
積二十六年之永故中外禔福來燕賀者越二萬餘里
之遙於是緹幕旋和琯葭應候五紋繡線添綸翟以凝
禧三素祥雲覆瑤宮而散彩金鋪日麗影漸暖以方長
瓊沼風融凍未春而已泮扇影兮夫雉尾裘衣爛雲鳳

七劍齋文金

之輝爐煙篆出螭頭綵護山龍之色九重申祝踞斟
長壽之杯六御承顏笑進延齡之曲內殿之山呼環應
喜溢銀潢天家之慶典方新歡流玉葉花迎柳拂集劍
珮於楓廷鷺列駕行拜禱蒙於樹殿兩階導舞儀肅鴻
臚九老婆娉拜扶鳩玉山農澤賈雀躍於康衢蒼髮黃
髭鳧趨於紫陌以至反景沈毛之地水天桂海之賓人
皆得氣之先客有遊方之外雕題畫額爭測水以占星
就日瞻雲競恭禱而鞠脮五城霽靄縹緲風飛三界祥
光氤氲月朗九光十色輝煌翡翠之亭萬戶千門璀璨
駕鵞之瓦極目錦屏玳桺臺是熙春連宵銀樹華鐙城

遊不夜人烟撲地映燭龍香獸以交輝廣樂喧天和寶
瑟雲璈而合沓舞魚龍之曼衍不妨步、嬌隨聽鶯鳳
之悠揚那惜聲、慢送莊嚴紺宇梵音生歡喜之心禱
頌長齡慧照普吉祥之彩西池王母遥飛海上青禽南
嶽夫人亦駕雲中白鶴仙音佛號匝地同聲金粟玉環
並時呈瑞蘭掖之瓊葩已綻蓮龕九臺樹塗之瑤草齊
芳蕙舒十葉榴實沁零灑之露獻自西陸緋桃籠度索
之霞貢來北闕奏花門之小部響撥鶻弦鏤璇浦之奇
珎光騰虹壁仙鳥翔於恒春之樹瑞鹿飲於種壽之泉
萬物貢其嘉祥八區同夫樂愷於是聞衢歌舞興道歡

呼爭逐。珣興恭迎。屬輦聽鸞鈴之清韻。望輦組之祥光。
統萬類之心以契。

天心即合。兆人之壽以增。

慈壽歌傳難老。添籌遙指東溟。籍注延年授錄。欣占南
斗箕陳五福。斐辭齊頌臺萊雅咏。九如好句人歌。罔昇
小臣微埃。浥露小草傾暉。近日鸞鳳既協和鳴之盛。聞
風燕雀亦懷喜舞之私。敬附膺揚用伸歡忭。忘其職卑
才下止自貢其葵忱。期於述德鏤情。冀長延夫。謹
拜手稽首而頌曰。於鑠

熙朝代生

聖母映葉重光實邁自古雷繞軒圖虹飛華渚長發其
祥永膺多祐其一洪惟懿範德懋坤儀仁傳麟趾香衍
龢斯一人有慶

九廟凝禧游申景命福履是綏其二灋灋湛露藹仁
風念周部屋動感蒼穹雨暘步禱官廟肅維

聖母之誠

聖母之恭其三躬先禹儉心勗湯勤浴川奉繭服練衣
袞六宮化洽五夜香赫太和流蔭嘉寧靈氛其四萬邦
之

母怙冒群生東南望幸西北款誠和甘澤物日月銷兵

七錄齋文錄

慈暉廣被光耀長庚其五我

皇大孝養以天下視饌陳饁稱饒酌醇瑞滿重聞歡騰
九夏駢肩接踵以祝純嘏其六陽回玉律春藹金臺山
青萬壽波綠蓬萊珠星璧月圻柳江梅盛矣至矣唐哉
皇哉其七爰煥宸章載廣慈壽五色相宣八音迭奏臣
祝工歌雕瓊列鏤擊壤鼓腹以侑康酒其八惟

母至聖克享永齡惟

帝至孝克萬天經推恩錫類訖於誕絃小臣端牘敬頌

慈寧其九

皇上五十萬壽頌有序

歲在上章執徐月臨橘壯律中南呂合朔朱草敷榮十
三恭逢

皇上萬壽之辰天地正中之位兼周髀之四和乾坤萬
餘之策起河圖之五十純嘏弗祿上帝是申壽考維祺
頌聲競作況自昭陽大淵獻之歲明飭九伐昭宣七德
翦蚩尤而名應龍命庭氏以射妖鳥參旗并鉞挈斗車
以旋轉月媚星源矚日珠以晃耀再定伊犁平葉爾奇
木服拔達克山揚天聲於白題之鄉廓地絡于黃祇之
壙西夜無雷並隸職方之籍樊桐弱水皆通象胥之譯

十紀所陳六經所述無此懿鏘隆茂也而執律獻凱適
當介壽采薇天保合奏一時何其盛歟且越歲仲冬
皇太后聖壽七十綈室吹葭璇宮獻單稱伊耆龍圖之
瑞者歸美慶都震軒轅夔鼓之威者上尊附寶慶典疊
錫普洽歡心際會之隆載籍罕睹夫庚曰上章履帝光
明之象也辛曰重光保佑天申之義也十幹循環永々
無極兜觥載稱皆當是歲則太極生兩儀兩儀亘萬古
絳々衍慶天命之矣功德懋而福祿臻孝慈備而嘉祥
集頌聲之作其在斯乎臣伏考天官諸書弧矢九星與
老人一星同躔舍弧矢直狼則四裔畏服老人星潤大

黃明則王者益壽然則以四方來賀之隆兼萬壽無疆之盛天固有顯垂其象以為人事之徵者商頌殷武之詩也赫々厥聲濯々厥靈壽考且寧其此義乎於赫聖烈今實應之又考詩稱孝子不遺永錫爾類解之者曰類善也言神錫以至善之福也而孝經天子一章孔子引詩亦以一人有慶為之證我

皇上入奉長樂出侍大安熙愛日之溫煦廣慈雲之覆蔭祝釐天禮間歲再逢允足為迎導太和克迓天庥之明驗夫封人之對遠見堯年公堂之躋亦徵幽俗申祝頌之情抒忠愛之意古之義也而聖心恭儉有詔弗許

七錫齋文鈔

夫大有上九得天之佑滿而不盈所以利也謙卦九三
得民之服尊而彌光所以吉也大戴禮曰 必恭、
則壽淵乎深哉齊三光而貞明偕兩大以悠久者其又
在斯乎臣職佐寅清於功成治定行慶施惠諸大禮皆
預奔走而叨長翰林領著作誼得敷陳聖德對揚鴻庥
作為詠歌以播示萬禩謹取九如之義作頌九章以抒
遭際聖時歡忭無已之下悃拜首稽首敬上

黼座其詞曰

恢々大圓蒼々正色索篇往來孰窺其息維人參之是
曰三極維聖配之惟天是則維古九星肇此州域純氣

龐鴻元黃合德厥體既符壽亦靡測萬八千齡丹壺可
識章部相乘循環幾億於赫聖朝貞元再闢

於惟

聖皇德符蒼昊

帝出乎震光宅四表長庚應辛天門啟卯華渚虹流璫
樞電繞星正仲秋氣清西顙上弦就盈輪開七寶如月
之恒象符天寶世德作求履鍾有道撰協清寧祥徵壽
考迓福無疆丕基是紹

皇帝初元提挈天綱歲陰執徐系兆其陽干配有虞支
協陶唐道兼二帝符此會昌天地運合厥驗孔彰歲星

再周屆乎上章位應龍圖屆乎中央大衍之策成數適
當易象生之推之彌長乾坤之壽孰得而量

維聖有言惟仁者壽

帝德克純無息則久所其無逸君子長年

帝治勵精寶祚用延宜民宜人受天之祿

帝育群生宜承遐福地中有山六爻皆吉

帝心保泰輶、終日天助者順天佑者德純嘏爾常億
年無極

德音昭矣受天之祺百祿道矣天益申之贊我大敷會

此昌期

皇承眷佑張我六師二萬里外
甚彼崦嵫揚旌烏耗拓
宇黃支大荒西經古所未稽
言貢其馬言獻其犀
顯章孔厚懋我繁禧
凱樂以還上萬壽卮

稱彼瑤觴卿尹百拜
繫惟卿尹遠邇咸在
其邇伊何龍之內其
遠伊何白山之外

皇者其武伊懷伊畏
于闐玉來勃律花至
並地之國王母所致
水碧金膏河宗獻贄
蛾伏睽睨祝天萬歲
軼昊起軒於哉嘉會

懿矣嘉會赫矣神功
鬱華赤文黃道方中
焜燿流珠百昌融一
小火稽首以頌延洪
穆一

七錄齋文鈔

皇心惟儉惟沖百禮之舉待祝慈宮慈宮燕喜越歲仲冬慶流紫闕春藹黃鐘鴻祐疊中海潤重々卷舞衢歌薄海大同

緬昔魯頌式歌壽母迓其茂祉以祈黃耆鹿鳴之什南
比比壽如松如栢如岡如阜江漢歌功虎拜稽首震耀
鏗勺播示厥後一時之盛各云罕耦諸福駢臻今乃咸
有惟德動天會合非偶億萬斯年荷天之佑

洪範陳疇數以九積皇極居中下土是式敘時五福庶
民用錫民之會歸亦錫保極於鑠

聖皇臨我九域天俾戡穀羣黎徧德海濱山陬歧行喙

息太和翔洽協氣四塞臣侍承明詠歌是職竊附衢謠
祝千萬億

皇上七旬萬壽頌

臣聞惟德動天昭受聿邀申命惟仁得壽安貞必享大年故三祝載歌帝運日中之會九如作頌王朝天保之詞軒后則神電流祥顯帝則彩虹徵瑞莫不福膺繁祉史紀嘉祥自古為昭於今益盛欽惟我

皇上道協清寧功隆位育調平康于三德奏歌叙于九功頌光被者聖神興文武兼隆稱大孝者祿位與壽名俱永蓋錫福本于建極而敬

天即以凝庥南至

親郊欽翼而虔昭事上辛祈穀肅雍以奉明禋既克享

七錄齋文鈔

夫

天心益重光夫

祖烈勲兼創守道不僅于紹開謨著顯承孝益隆于善
述況乎性本生安裕多能于天縱功崇遜敏昭盛德以
日新詣辟雍而奉尊壺庭陳法物勤黷獻而敷異訓碑
勒奎文

講幄諏儀聆

玉音而道光雲漢

天章垂集展瓊笈而義炳日星破衆論而立綱常名教
之防衷至是而協
之臚詩原稱聖摠四始六

義之精微書可通神合八體三文之結構廣右文之盛
治羅載籍以編摩

而尋芝英薤葉之書探委宛
而搜石室金庭之秘寶函部列書萬本以流傳翠閣珍
藏儼三霄而什襲同文同軌集梯山槎海之賓來享來
王有騎象衣魚之侶通天山之兩部花門葱嶺一舉而
犁萬里之庭駐井絡之六軍繩竿挑關三捷而採百蠻
之衆若夫岳牧之疇咨咸出

帝心之簡在凡礪臺與鳳閣清慎勤之整勅維嚴自三
輔達九圻言功庸之激揚倍切封章皆直陳

乙覽末僚亦仰

天顏前史詫為美談今日習為故事尤

念民為邦本食為民天問雨課晴事皆關

宵旰春祈秋報時形諸詠歌普免天下之正供

恩叨再沛近飭都城之設厰歲不絕書發帑蠲租截漕

展賑所以拯災黎者既洪纖之悉備衣帛食肉借籽牽

牛所以助不給者更速近之咸周休日嵩雲揚鸞輦而

式莅吳根越角汎鳳艇以來巡二瀆匯于雲梯灝蕪長

趨鯢壑兩疊湧夫潮汐崇蔭永建虹隄轉江國之雲帆

漕通漳滏裕倉儲于輦轂浪息津門

綸音播而尺一傳宣刑賞皆忠厚之至誠冊進而再三

披覽牘示昭欽恤之心以至士林交勸榮路宏開辟池
之學額頻增文武之特科並闢兩舉制科之典七開召
試之恩文體正而永戒浮靡大執行而不虞雍滯千官
捧軸同邀鳳誥之褒百老扶鳩溥被鶴鯨之賜遠者來
而近者悅匝地同聲老者安而少者懷普天共慶莫不
頌太和之朔洽瞻郅治之光華江湖與魏闕均歡士氣
共民情交暢器車澤馬異瑞紛呈巷舞衢謳斐詞並獻
時則上章仲秋之月恭逢

七旬萬壽之辰純嘏弗祿

上帝是申壽考維祺頌聲交作先是元辰旦

一
金
恩詔載頒九霄之瑞雪遐敷八表之祥和同被慶、皆
淪肌浹髓家、登化宇春臺蓋遐邇蒙庥戴鴻施者積
四十五年之久中外裊福懷燕賀者極百千萬里之遙
群望

九重齊呼

萬壽適值

翠華之南幸告瞻紫氣之東來行宮映天市名垣光昭
齊魯越吳之界濊澤隨

帝車所指膏流江淮河海之波

恩綸疊沛于寰區謙德屢辭夫稱祝山莊駐蹕止循秋

獨之常儀行殿稱觥不許經壇之臚綵時則雲開華景
正金風玉露之時月朗中秋逢地久天長之會紅雲紉
綬爐香爍墨蚪之烟紫蓋絢緼仙掌卓錫峯之彩况值
珠風轉梵國來皈寶鼎香浮佛輝遙獻曇雲花雨續
絲十地三天金粟旃檀卷藹雙林八水結香城而中嵩
祝真大吉祥聽唄唱之接衢謠共生歡喜臣濫廁清班
欣逢盛會隨槐棘班聯而虎拜俱入無量壽天率京圻
童叟以山呼並登極樂福地颺言莫罄寧酬
高厚之恩巍蕩難名敬祝

貞恒之運謹拜手稽首而獻頌曰

乾德丕冒坤德持載德配兩儀居中成位洪惟我

皇治包無外陶堯鑄舜曼出萬代

惟

皇敬

天默符

蒼昊長庚應辛天門啓卯誠格

園壇祥徵壽考有感必通

天眷有道

皇德行健終日乾

皇政勵精細大靡捐四十五載繇々延々至誠無息至

予萬年

惟

皇法

祖揚烈觀光善繼善述式廓昭章

神保饗之俾熾而昌既昌既熾孰得而量

皇揆文教天人是究筆走風霆心羅斗宿聖曰生知寔

惟天授也孕典謨揮霍宇宙

皇省其武一統無外白山南北宛馬聿至天彭以西群

蠻膜拜 昊 軒於錄嘉會

皇極是建

七錄齋文鈔

皇福斯彰青雲干呂海波不揚時寒時燠曰雨曰暘東
西南朔斯為太平

皇心無逸

皇壽無疆博厚悠久如響答聲受福孔多受命孔長貞
同五岳朗並三光

維茲秋仲慶洽

昌辰載慶同雅共獻光尊八千為秋八千為春億萬斯
載長奉

一人

平定回部西陲永靖大功告成頌

臣聞成大功者不謀於衆建大業者不和於俗惟夫聰
明睿智神武之主灼知天道而明乎成敗利鈍之數為
能毅然獨斷不惑於浮議以樹萬世非常之業而熙鴻
號于無窮邇者準夷暴亂

皇帝赫然命將誅討之時議者皆疑事之艱阻乃旋即
組繫其渠而平其地勲猷爛焉嗣阿逆中道煽亂諸部
落復蠢動回酋霍集占兄弟當

王師定伊犁時並得釋囚繫統舊衆乃亦敢背我

大德起應逆酋此其罪在不赦而淺識之徒咸謂狡黠

人面獸心叛服不定征之後自耗弊並有議棄前所得
巴里坤地者

皇帝面稽天若下察衆情以為叛不服無以靖邊隅寇
不翦並無以安群醜力排衆議復

命進師而諸蠢動果悉降惟大小兩回酋負固崛強反
助进攻諸部落之歸正者將軍兆惠承奉

詔率三千人擐城掠地風馳電掣直至逆酋所居葉爾
奇木城下先遣百人濟黑水河直前搏戰賊衆數萬皆
披靡斬級無算乃退築堡河側以守是時孤軍深入後
無濟援回衆雖不敢逼計欲坐困我師勢甚危急而

天子夙念戰士久役勞苦所遣更代士卒已在中道副
軍富德等檄令疾行赴援既歷賊境馬力疲秣適參贊
臣阿里袞驅馬繼至錦合雲屯士氣益振遂相與夜斫
賊營內外合勢夾擊呼譟雷轟賊驚擾不知天兵之幾
萬數終夜自戰積尸流血蔽地急解圍遁去兩軍既合
整旅還駐阿克蘇城軍威輒暇秣馬訓卒厲刃設弓將
進為翦滅計賊酋度雌臂之莫當車輪懸鼠之莫當強
弩即震怖竄去諸城守次第悉降諸將復突入追敗賊
走拔達克山依其種類我將軍傳檄布

國家威德曉示利害其汗乃興師助犄角殲兩逆酋遂

函其骨奉表以獻于

朝西域悉定于是天下莫不曠然仰

聖主日月之明雷霆之斷五年之間萬里之外曾不動
大師靡大帟而偏師所指再遏叛亂廓地二萬有餘里
通千古未通之疆域不測

宸衷默運何適與

上天殄逆之心符契若此易曰豫順以動故天地如之
而況建侯行師乎又曰天之所助者順也惟

聖主兢兢業業日以覲揚

祖宗之光烈為心

祖宗之心即

天地之心也善繼

祖宗之志者即善繼

天地之志善述

祖宗之事者即善述

天地之事通寇者

祖宗所必欲誅者也不得不誅諸叛寇皆逆

天地之性而猖狂肆亂者也不得不殄然則因時乘勢

灼知其功業之必可樹而樹之

聖人特順乎天理之常而權其變化行所無事其為

上天之所佑助又何疑焉乃

皇上謙德彌光辭

尊號而弗受讓

善之誠與勅

命畏堯之思夙夜弗替魏一乎三皇五帝德業之盛允
未有高於此者也微臣忝列西清職司載筆仰觀

盛烈不勝懽忭雀躍之至輒自忘其固陋謹拜手稽首

獻頌一篇庶幾掄揚

盛美於萬一伏惟

聖主賜覽而採擇焉其詞曰

於赫

聖德光被無垠經天緯地乃武乃文風行海濤震耀河
脣莫不稽顙徠臣式賓惟

帝永言於哉克孝

鴻謨允承

駿烈丕紹稽中定務

神武有耀惟機惟深默符

大造蠢爾準夷敢梗西陲我

祖我

宗振旅赫斯叛而討之服而舍之屢勞輶輪弗絕羈縻

彼狂自赫部落離散

王師臨之一舉定亂魁渠既熱殊方交忤大功允成惟
帝克斷先時議者殊不謂然僉曰無動以靖我邊持蠱
測海坐井觀天非常之原黎民懼焉逆酋背德中道作
賊誘煽諸夷蠢動蜂螫回渠兄弟助肆狂逆忘我

天恩囚繫是釋惡極罪大在法必誅而浮議者見亦何
愚臆決倡聲堅執若初謂是狡黠終不可圖赫我

皇上觀

天道度彼衆心不堅厥好必有反戈助誅凶醜申

命進師果協

神料將軍糾：貔虎三千兔，六直搗鼓行而前一以當
萬奮勇爭先所向披靡倒若應弦挫賊濟河彼衆我少
背城以戰未可輕掉爰整孤軍暫且退保賊收餘燼匿
匪旋繞援師聿至士馬飽騰夾攻賊寨宵黑是垂賊衆
駭亂踏藉相仍我軍壓之屍骸拄撐轉危而安幾敗復
勝應接之機布若素定佑之自

天籌之惟

聖樹厥鴻猷

天人合應我勢益震賊怖遠 二城既拔置吏輸租一
窮雖免再殛獫狁士卒略盡獨繫妻孥去拔達山四之

別部其酋奉檄

天討是助並殪兩酋風馳露布懸首藁街百蠻震怖五
歲再閏永定伊犁廓二萬里流沙之西康居疏勒安息
龜茲行國居國以莫不來屬日南至有事

上帝告成

陵廟山川諸祀

慈宮永慶承

歡彌下逮臣民行慶施惠成均立石鋪德樹威淳議
始息吁駭見稀惟

帝剛斷弗牽弗移宵旰斯旰斯巨績用殫式應

天心允績

列祖赫々明々繼述是與奉若弗違永樹烈億萬斯年受

天之祐

聖駕恭奉

皇太后幸泰山頌謹序

臣聞虞書述狩肆覲有儀夏諺歌巡一遊為度商稱載
旆聿彰桓撥之神威周紀橐弓爰著懷柔之懿德吉日
維戊宣王飭其武功飄風自南康公托乎文化誠以觀
萬民者省方之典所為室也祝四岳者告成之謨所由
燭也迺如披圖刻玉雒水傳螭鑄鼎貢金嶠山會禹舞
名九代啓后樂樂野之騁祝請三多堯帝御華封之蓋
雖霰休符于翠籙罕勒于經而紬瑞應于丹牋間牒諸
史百王合節自古常昭萬國懷仁迄今尤烈已懿惟我

皇上誕膺駿業丕廓鴻圖珠囊結耀承天者四十有一
年金檢流輝拓地則二萬幾千里超赫胥尊盧以上松
牖風清輦容成栗陸而前冀階日永翟瑜賜綵

紫闥宅坤順之庥鮑俎流芳丹駕肅離明之運詣瑤壇
而八神奉座蒼壁青圭莅繡甸而五帝扶輿朱旂白輅
浴川蠶候銀絲效翠苗之光覲土農時珠璣闕紺轅之
色賚黃縑于穀老藤杖娛春賑紅粟于芸生茅檐曝日
書園奮轡丹鉛煥二酉之藏學海馳航紺錦榮三辰之
照敞槐廳而校祕影度花磚排蘭省以糾謫聲傳鏤管
青袍逸彥特晉級于鵷班絳帳闕儒游標銜于虎榜探

曾聞蓋臣之烈華袞增榮膏鈇旌拂士之忠寵綸疊賁
罄罄蕩蕩至德無名勿愉愉大孝不匱澤已樸矣聲已
泆矣非

聖天子其孰能與于此乎于是置吏敷情秩宗源訓星
當北極總環太乙之垣風自東方漸屆上丁之節遞春
謠于青壤悉佇鸞旂綵輿論于黃街惟翹鳳詔泰山鎮
巨薦稽覲緣牒之函泗水原長釋菜跂緇帷之揭

臯上方畏典之曠而勿舉也復恐今之擬而弗安也務
秉寅衷式敷申命義者三吳駐罕事重觀河兩浙鳴葭
政先捍海浚為掘鯉覆紺殿以剡臂幾是興龍展

丹陵而灌鬱二室之晴雲卷綺碧驗神光五臺之陰雪
凝璫金參佛象虹旂麾渚弗驚垂釣之人豹楯鉤囑每
時催耕之鳥矧夫魯原望國秉禮特長齊本雄藩報功
最速木居震位養人值春令之和山取艮形成物兆秋
行之穰糝珠旒于青帝靈雨膏田襲羽帔于元君僊霞
冠嶺龜趺螭紐鐫巖苑七二之家驚翻犧尊配廡迺三
千之士仰壞梁而布落瑞紀麟書摩教器以騰輝奧遺
象易著條楷本林遷扇君子之風檜葉杏花庭際燭聖
人之日攬陳詩于表海磬儻仍聞陋吹曲于橫汾樓船
初泛文竿微曳即躍白魚畫舫輕移已飛青雀黃頭鼓

櫂綵帆懸析木之津黔首迎

鑾牙梁剗桃花之浪班六蚪于岱壑咸迓

慈禧惣八駟于燕郊俱承

祖烈此軌循五載必協周官而冊貢萬年遂符晉史也
然且禮制均釐武成大吉紅旂電閃勞軍收三捷之兵
赤羽風梢繫俘歸九屯之卒破賊碣如掃薜齊化康莊
燒敵寨似焚枯盡成樂國揀花崽子革鬼狀而跳執雞
翎織錦猺妻識人倫而歌操牛尾維昔

翠華南幸玉水安流還茲紫氣東來金川底定夫金川
者葭爾之地蠡爾之民也一九黑子曾綴高天萬个烏

苗亦震厚土只以蟻封自戰鼠穴相爭我

國家能旅鷗驅但鋤跋扈虎夫雷動豈剪疲羸而乃噓
毒蠚之冬藏昫怪泉之夜視引蠶錐于甕底力欲負山
撐螳斧于車前膽將拒輟

皇帝穆乎三思赫然一怒瞭圖圉內寧煩聚米之臣授
檄營中更簡投醪之帥結八門而樹纛有將皆飛設七
覆以銜枚無刀不語死過枕席宣擒王擒賊之勛稍假
鞭箠奏獻馘獻囚之績宜乎燎爇柴而裒對頌美周般
包蒲泰以登封紀隆軒壇靈祇胥享萌庶同瞻至若慕
伏坡陀原甘處坎孤依城社忽肆跳梁鏃騎繞園長

消而六軍抵掌金戈乍指么膺絕而十郡安心勝元老
之東征三年發詠等文王之北伐一月興歌則以徵
睿筭之神也愈以顯

聖猷之壯也是豈赤雁呈符明堂大會白狼入貢元圃
周行所能同日而語哉臣幸際休和恭閱隆威于罔翮
鳳私慚殊吉士之稱在泮塞芹竊慕同野人之獻拜手
稽首作頌十章其辭曰

帝德內蘊

聖功外悠八廣樹泉六合馳郵無偏無頗不競不綠薰
風縕瑟麗日垂旒其一紫極朶華黃輿闕秘川后呈琛

山祇効器績撫五辰儀彰肆類行譽珠囊布釐金匱

其二

璇闥緋化瑤笈摘光漿斟露冽簞揭雲芳林軒納煥梧

序調涼裊倅巨壑嘏絜崇岡

其三

卦探犧文疇參箕禹

擘葩墨林咀實書圃添簡星羅丹純霞聚陶乾范坤涵

今鑠古

其四

黃封擢誼彤管標忠擒冤啣石草勁凌風

易名旌別晉爵褒崇憲翔冥壤仁亘靈宮

其五

啓廩振

窮徙困卹獨舞匝桑塍詩聯部屋牙錯海邦唇依旬服

碧筵旋登紅稻載熟

其六

文敷文化武績武成

玉國披祝翠麓刊銘花紫璫鉞鳥間金鉦髻童兩集怡

叟雲迎其七蜀嶺韜鉞巴谿洗箭箬密成州峒幽改縣

凱奏朱幡饗陳

黃殿義問遐宣仁聲廣扇其八蔡英神嶧濯秀靈涿歷
朝緬桀奕襍貽模禮將杭巖樂脩壘竚永輝茅闕長翠
蘿圖其九布伏瑤津假軫錦隄翠鷁銜艦黃龍繞機四
序祥撫九垓慶晉望繹桃篇酌廣姬什其十

聖駕六巡江浙頌

蓋聞黃樞紫極合五位以居尊上階中央繫十端以廣
運蔭翠蕤於寶鼎牒譖螭虹參玉斧於員旂壇轡龍馬
聖體元而行健

帝展義以裒時先庚後甲翕河而史奏習祥西被東漸
遵海而謠言叶吉宣

三朝

神聖之重光五載一巡

朝覲典隆於詩禮高千古帝王之景運

一堂五代

古稀福懋於圖書加以花門蔥嶺三萬里拓漢志之疆
石室蘭臺十二庫廣唐文之籍蜚麟蜚鹿率皆陳馬陳
犀辨虎辨魚無虞訛亥訛豕洵參天以兩地亮包項以
駕軒遊無非事法舜與禹貢而清晏貽庥恩未有涯合
夏諺虞韶而昇平祝嘏開逢紀歲執徐名年扁牖軒襲
雲霓跂拜值三覺之安瀾順軌大吏奏

聞慰七起之問瘼求寧

俞音報可九重閭闔遂通寸草之忱一尺絲綸爰沛如
膏之澤粟留布穀淺犂輕繡之畦戴勝降桑溫浴生漪
乏沼蘊藻將綠蒲杏何繁聽鳳闈之珂珮五等三司擁

竊輅之旌旂七校八萃春星燦燦上元金綺猶明曉日
瞳瞳正月膏塗早秀披三輔輶二東徧觀甸甸涉黃淮
渡清濟周覽條支桃華穠而駛箭皆平綺薄芳而鷗焚
自漾溯洄洙泗景仰龜蒙浮磬釐陳蠙魚攸暨鳳巖桂
館雨花白下之臺燕浦蘭橈風絮青谿之路望蒜山於
京口辨柳色與濤聲艤舟玩洗硯之波煮茗試編鑪之
竹玉峽金精訪寒香於華海蹲獅盤虎望浮翠於松陵
駕湖拂鏡倒涵烟雨之樓鶴舫開簾斜渡箬茗之浦
朝百神於牛斗麗南極於會稽兩峯釀萬斛仙霖三竺
現重輪佛照遠帶平鋪畫雪飄於江練濃開淡渲剪蘭

漿于湖紗崇基峻址銅海玉檻之遺曲水流觴修竹清
湍之舊莫不富庶成風繁昌衍慶然而謨猷獨遠樂利
殷懷度溲澈壅閉之勢計漫漂巢涖之衝偃虹却月五
丁劈石以當流聳嶽蟠銜六鰲戴軸以立岼濟汲綆溉
土萌無藉乎擇莠積竹刷淤沙環亘套長免夫鼃鼃蟻
衣以勞為樂子趨父事而爭先惟斷迺成天縱
聖功而奚贊底平一旦翠護千期沙百谷而醴二渠期
五載而蠲百萬

宸章示記

奎畫摛文以先天為奉天明昭事乎

上帝不居作而居述歸

功烈於

仁皇十華獻瑞九圉臚歡入昴步黃躔之宿協應風馳
遊鱸篆翠渚之紋渥恩雨集海鯨雲鯨修裡岳瀆江茅
鄧泰遣告祠陵二司星艦寬權稅於闕梁八牖雲帆免
征輸于茹部合雷電以用柔剛與脫微而脫纒占澤風
以申

肆皆不荷杖而荷鋤榮

頌兼紱小草傾陽恩許彈冠寒灰應律餽糧負戴鑿落
銷鳴驗平康而錫福共熙臺日月之長數甲子以添籌

識絳縣春秋之老逸收楊馬並進鄒枚稱仁詠德陋甫
草與樅楊切義陳風蓮赤麟與白鴈列芸省槐廳而軒
墀耀系侍花墩團扇而鉛槧流光膠庠已盛于熙平增
置再隆于貞觀四門三舍壁雖建首善之區左學西郊
黌序廣人材之藪書懸天柱金匱石渠籍貯山房吳都
越會訪螢苑于竹西好借螢光映讀尋鳳臺于桃渡還
看鳳字流輝敷文院內圖籤錫予多文有美堂前箱帙
宣揚盛美品官畫接封事宵披聽馱鈴而五夜常勤設
警枕而萬幾自理瑄調晨露琴奏薰風三辰未配乎
文思八百羣躋乎康載夢秀遊

九旂之返柳芳迎

五輅之旋東觀西清詩賡千字螭螭掖策選萬言
聖敬昭格于三無

欽明光被於四表動為天下法統敬信悅而難宣
敷教之神比于先王觀稽夏商周而莫婉
省方之典臣仰

簡孚式遏之

宣聰勾圉土靜見齊禮讓仁之慕

化貫索區銷幸依

青瑣寫志傾葵謹紀丹騰颺言在藻頌曰

聖清乾隆四十九載

皇帝南巡汜奠河海萬年億年時邁樂愷始歌臺萊維

慶葛藟

其一

芝蓋翼翼高旂滇滇幄珠煥耀葩瑤陳鮮鬬雲流赭晻

上馳騫惟

帝出震耀藻川

其二

淮海維揚青豫景毫溝洫餘艎係水旺臨既東

訏謨更請

揆度徵角象箭

王正月朔

其三

申命岳牧黃屋非心周廬閣道柞光松音昭德垂訓
審謀深哉克勤克儉惟時

欽哉

其四

乘橈乘櫟既旅既率淪者浩暢防者鞏密重以鴻遺完
以暨寔百度之貞罔不精一

其五

陋彼弁汾遠超宣房騰龍供鯉東風高翔

帝曰繩

武予弗敢康仰惟

仁皇休有列光

其六

天錫智勇握圖建極昔平三苗是伐是克伊綿張父疆

七錄齊文鈔

里版域及茲

六巡繼志成德其

西征南幸義宣

記文上儼疇範復旦縵雲始定水誌激淀集勲繼疏陶

庄流合支分其

韓山奎麓梵比版築呂梁鄭陂厓亘隄曲以平以導宜

蔽宜束疏渠繪圖建廟沈玉

其九

鹹官古邑六駐金根魚鱗捷埽石為重門載設捍防令

鰲負坤立民億歲禹功所存其

嘉爾耆爾父粟帛載塗矣普蠲肆赦推微爾除矣

奏賦增廣網糸璿瑜矣作人頒籍俾觀五都矣其十

鑒興言旋

麟趾燕喜

帝有曾元圖史莫紀自

天申佑萬禩錫趾來歸雲初咸侍金記其十

二

連珠六章

臣聞塗山萬國誅後至者防風甘誓六師戮侮行者有
扈是以

睿謨獨斷出桃閼而雪嶺永清禁旅長征越蒲海而玉
河飛渡

臣聞乘農隙以詰戎遂簡軍實舉蒐苗而習武用脩時
行是以御天驥以勵名藩正獸肥而草淺升

幔城而娛

色笑聽風勁而弓鳴

臣聞上庠肇制咨典胄以永言釋菜崇儒命橫經而重

七錄齋文鈔

席是以雞彝龍勺頒禮器于

廟庭駕拱螭楮燦瑠璃之金碧

臣聞湖澤本同之錫圭堯階洛岳紀允猶之對命周頌歌功

是以河壩之

玉趾頻臨石誌標而黃淮順軌海澨之金塘永固神沙
現而潮汐循踪

臣聞山川封禪神功垂虞后之書河嶽懷柔時邁紀周
王之績是以嵩雲岱日爭仰覲夫

翠華越角吳根咸留題乎

天華

臣聞募民貴粟省輸輓于湟中罷騎興屯陳便宜于塞
下是以百蔬灌夫伊水嘉種已遍龍沙三果獻自回城
歲貢遙隨天馬

請籌民食劄子

竊見京師五城地大物博萬方十

繁月異而歲不同故民間食用所必需者多

屋市偶虧物價頓長勢所必然即如上年冬月米價稍

昂仰蒙

皇上勅令戶部發京倉米麥減價平糶復

特派大臣親往各廠監察俾小民均沾實惠旬日之間

市價即平其為民食計者至周且速無纖微之不到臣

思地方水旱不能必之於天時值低昂不能強之於民

恃有因時制宜挹彼注茲之方然而發粟開倉雖不惜

損上以益下而流通商販更足以酌盈而劑虛其中似有調劑之宜欽惟我

皇上心惟省歲政在養民

御宇四十四年以來日以小民生計為念

蠲租除賦裁漕賑荒歲不絕書盈萬萬更大沛

鴻施普免天下正供一而至再惟千古未有之

聖主沛千古未有之

殊恩廣濟博施愈久勿勑至一時糶穀之數在

聖心初不屑計及但

國家太倉所入歲有常經而漕米普予輸蠲額尤漸減

京師為容民畜衆之地又值生齒日繁之秋若以里巷
二舖所資亦仰需於農部事不可常臣愚思飭令地方
官曉示商民鼓舞販運凡豫東江淮之米麥概令廣販
京師關津閘口隨到放行往還不斷來源既裕市闐常
盈都城舖戶之收藏既不致居奇昂價而豐稔有餘之
省分亦無憂穀賤傷農民間饗殮之計聽民間自為之
庶不以閭閻口腹之細屢煩

聖主宵旰焦勞也臣管窺之見冒昧瀆陳伏祈

訓示

恭賀平定金川劄子

欽惟我

皇上福被八埏功覃九有六符膺泰大仁育義正之模
五德乘乾備秋肅春溫之用侯甸要荒之外輸琛納賚
者悉來享而來王東西南朔而遙槎海梯山者盡同文
而同軌惟茲金川夷部僻處徧隅偷生

聖世狡藏箐窟二豎連為螻蚋雄長土司兩川倚若狼
狽困諸蠻于水火若大旱望雲霓撐螳臂于車前膽將
拒轍引蜜錐于甕底力欲負山天道無私彼已自絕于
生成之外生民有

主自難姑容于怙冒之中我

皇上離照當陽乾綱獨運破群疑而決策謂暫勞方臻
永逸之庥東

籌筭以成功期一舉而獲萬全之勝測番情運諸掌上
三路之形勢周知推赤心置人腹中八旗之勁旅悉奮
遂乃遠搜鼠穴進搗梟巢復嶺重信將軍之自天而
下江流淼疑師徒之飛渡而來易若摧枯疾于破竹
前者勒烏圍軍鋒直指狐兔之巢穴已虛茲則噉喇依
班馬長驅螻螳之種類悉絕馳捷書於劍閣七日而來
達靈布於甘泉三春送喜此誠地闢天開而後尚留此

草昧之經綸朔自王謨帝典以來未睹是武功之赫濯
從此桃開霧縠群番永戴

堯天眉嶺雪消千部咸歸周索功成告

廟建千秋顯饒之猷飲至策勛溥四海昇平之慶臣才
慚磨盾職任采風身虛拜舞之班心依

北闕耳聽凱歌之奏喜溢東邦鳳驛星馳佇看瓊檢芝
泥之獻瑞

鸞旂在望欣偕黃童白叟以歡迎臣不勝踴躍歡抃之
至

奏北闈應試年老諸生劄子

竊本年八月順天鄉試臣蒙

簡命監臨試事初六日入闈於初八日十一日十四日
按冊點名見握槩懷鉛之士不乏龐眉皓首之儒臣等
逐加查詢咸稱欣列儒林恭逢

文治值賓興之令典遊

壽寓以騰歡含毫而深華祝之恍抱卷而切嵩呼之願
臣等察其觀光奮志交口感

恩莫不鼓舞歡欣形諸詞色今已試竣查各生內三場
完卷發謄者年七十以上共十九人年八十以上共九

人此皆幸逢我

皇上久道化成邳治翔洽

壽曜映文星而並煥庚躔共奎宿以增輝是以羽儀遍
慶于寰瀛而人瑞先徵于畿輔臣等躬裒

盛典快逢多士之景從目覩耆年益仰

聖朝之醲化謹開列名單具奏

代順天年老舉人謝恩劄子

本年九月日欽奉

上諭李某等俱恩賜舉人欽遵在案茲該舉人等八人親身至順天府衙門臣等宣示

恩旨該舉人等跪聆之下感激歡欣俯伏叩謝隨具呈稱竊等居近京圻名登黌序蒼顏皓首久沐

熙朝雨露之恩黃卷青鐙更際

盛代風雲之會恭逢

聖壽七旬大慶正值秋闈八月昌期庚躔共奎宿交輝景曜映文星並煥一經自守志雖切乎觀光七札難穿

才終疎於入穀聽鹿鳴之晏罷魚目未可以混珠驚桂
苑之枝攀桐尾偏令其出響白頭發解偕登

天府賢書

丹詔宣名不羨大羅仙榜惟

聖人因材而篤欣栽模之方賡俾儒生有志竟成信桑
榆之非晚八十載遭逢文治福並齡增億萬年禱頌純
禧恩從天降紅箋分報叨士林通分之榮黜陌同來增
科目非常之慶歡臚子墨銘心共效鳬趨喜溢儒縫交
口難宣蟻悃所有感激愚忱懇請代奏等情前來理合
據情轉奏

請在館官學生出缺另補劄子

臣等遵

旨稽察咸安宮官學所有現行事宜時刻留心伏查咸安宮官學生一百三十餘名內有考取中書筆帖式庫使等官候補者共三十餘人向例考取之後未補之前俱仍在學肄業俟得官開缺始另挑補臣等以此項官學生業已得有進步且俱名登仕籍咸思遇缺補官其讀書之念必不能如前此之專而每日行走而不能如平日之勤藉口讀書殊屬有名無實臣等查乾隆二十一年祭酒良誠奏八旗官學生取中書等官者皆着開

缺候補另挑官學生補缺部議准行仰蒙

俞允在案今咸安宮事同一體請即照八旗之例官學生考取中書筆帖式庫吏使者皆開缺另補再咸安宮又有挑赴各館寫書効力行走之官學生三十餘人一經去館不復來學因向無開缺明文故仍各占本缺臣等思官學乃潛心課讀之所必須按課稽功豈容終歲並不一到而占缺動輒數年且各館効力行走者又另給有公費在館年滿議叙將來各有所上進之階何必無占學缺徒挂虛名而糜廩糈所有此項在館之官學生臣等請亦照八旗官學生取中書之例概令出缺另

行挑補如此則候補之員與在館之人既已各有功名之路而遺缺復可挑補多人及時造就并得均沾皇上作養之洪慈矣

請石匣龍神入祀典劄子

竊密雲縣石匣龍潭龍神効靈助順仰蒙

皇上念其澤被畿輔

特發帑金交周元理同臣增修祠宇當經臣等飭委霸
昌道領帑轉發密雲縣鳩工庀材並經臣等公同履勘
繪圖貼說恭呈

御覽即於上年八月興修因隆冬暫行停止於今春復
行開工嗣據密雲縣具報工竣臣即面奏親往驗收並
懇

御賜匾聯碑文仰蒙

俞允茲臣親至該處照依估冊及前繪圖樣逐一查勘俱係如式修造尚無偷減草率之處復見該處土人來往歡瞻熙攘不絕僉稱此地龍神久昭靈應今蒙

皇上大發帑金重新廟貌所以為民祈澤者至深且厚小民瞻仰之下歡感交至異口同聲咸出真情臣伏思輪奐聿新既愜輿情之感戴豆登載祀宜崇報享於春秋仰祈

皇上天恩勅部將石匣龍神載入順天府祀典頒發祭儀臣等祇奉遵行從茲

綸綍欽承裡祀永鐫于青簡靈昭丕應豐穰遍慶於黃

圖矣

七錄齋文鈔

奏為

君恩未報臣病垂危伏枕哀鳴仰祈

聖鑒事竊臣江淮下士世受

國恩才質庸愚毫無知識仰蒙

皇上天恩中式乾隆壬申科舉人二十六年會試既授

內閣中書在軍機處行走陞授

起居注主事歷任刑部司員總辦秋審事務嗣蒙改授

御史游陞通政司叅議仍兼刑部行走五十年四月仰

沐

特恩超擢刑部侍郎

知遇生成逾逾常格臣每自念受

恩至厚圖報愈難數載以來夙夜兢、不敢不竭力殫
心以冀稍酬萬一旦臣年甫六十有三精力尚強正當
勉供職守詎意福薄災生忽於本月二十一日染患痰
中醫治罔效延至二十二日卯刻氣息奄、長辭
聖世肝腸摧裂嗚咽難宣報

德無由啣悲入地至臣長子布政司經歷銜臣阮鍾琦
向有足疾不能當差次子舉人候補中書科中書臣阮
鍾璟先已病歿臣惟有勉囑臣幼孫臣阮夢符努力讀

書上進以報臣未報之

恩竟臣未竟之志謹恭摺具

奏伏祈

皇上聖鑒謹奏

擬進西域同文志表

欽惟我

皇上

道符義畫

仁浹堯封

德威久震于金方絕域化結繩之治

聲教遠敷于月融名山添畫草之文兵洗天河圖畫方
傳褒鄂銘曰雪嶺頌颺已備洲雲方略編成仰

神謨于宵旰與圖志就標勝概于山川願語以音岐名
因地判左旋右注分體勢于波磔之間發韻收聲辨翻

切於毫芒之際或重輕之偶舛遂義意之都非清濁音
分莫辨土風之舊縱橫體異誰窺載筆之遺自惟考訂
而統厥殊方乃可會通而衷諸一是爰

命儒臣而彙纂用昭

文治之大同按人物山水以著其名通任味侏僂而通
其俗既紋迴而綺錯仍辟合以珠聯首冠

國書擬朝宗而建極次標漢字悉依律以諧聲挈領提
綱分注之辭必審發凡起例合音之法斯傳以一字該
數字之全字微分乎鉅細以正音兼餘音之附音略判
乎洪纖義如轉注而加精體以旁添而彌備昧畏吾之

之變體八思巴往製猶存闡梵韻于新編四記號流風
可溯妙循環于一十五部之內爭傳托忒遺規工推衍
于二十九母之中群識和同異體既因文以究意差同
訓詁之遺且援古以證今略見參稽之際辨群物而不
乖乎至義稱殊名而各得夫本音方緼帙之分

呈俱邀

審訓更

丹毫之親御悉協

淵衷視唐蔽之夷樂三章音譯殊嫌疎略較樊綽之蠻
書十卷蒐羅倍覺精詳臣等學昧考音志慚博物稽三

七錄齋文鈔

十二言之頌欲訪波尼傳六十四種之書難追柯古幸際

德鄰之遐暨更逢

文命之誕敷諭言語于象胥儼備西申之記仿形聲于鳳篆長垂東觀之編釋名早賜

宸章識指南之攸在製序首標

奎藻知傳後之非誣庶俾珥筆臣工勿因訛而襲謬以
使貢琛諸部咸承化以觀文播在環瀛邁周室採風之
錄藏來辟府姬虞廷並地之圖

平定西域謝表

聖武丕昭光烈著覲揚之盛

皇威遠振聲靈垂赫濯之隆

臨瀚海以觀兵勲騰雲日

駐祁連而奏凱氛掃機槍一怒安民爰慶同風之治三

驅奮武韋彰戡亂之謀喜溢臣隣懽生億兆臣等誠惶

誠恐稽首頓首上言竊惟昊天成化陰歛以佐陽舒元

后體乾仁育必兼義正受百官於文祖猶興彭蠡之師

會萬國於塗山尚有防風之戮殷宗思道鬼方之克以

三年周室中興江漢之征維六月雲凝黃幄非關風后

握奇雨灑灌壇豈藉磻溪專閭兩甄七翼統以紫極之神威九伏三門涖以絳霄之氣象事不同于黜武功莫大取殘征討是勤詩書是述惟彼要荒之外本非享貢之區為王會之所未詳亦職方之所難紀山川險阻每靳五位之聲靈風土窮荒時阻一方之教化雖值獸舞鳳儀之代猶見狼奔豕突之形從未有捷書飛奏於龍城桓桓秉鉞方策新垂夫豹畧赫赫揚旌如今日者也茲蓋伏遇

皇帝陛下

聰明天授

智勇性成

奉三無以無私德高夫乃聖乃神乃文乃武

撫九有而有截化洽於自南自北自西自東固已六字
澄清允見蒙戈衅甲八荒底定不驚劒氣弓聲乃蠢爾
準夷未膺朝命致邇時部衆肆虐諸番欽

二聖之鴻謨屢申捷伐奮

一人之睿畧特示驅除因款塞者之絡繹而來愈惻
者之呼號寔切聿申天討大啓元戎授鉞藩王信使倏
馳於閭外分旄宿將機宜一稟乎

宸衷分兩道以長驅撫連營而並進如行枕席群安耕

牧以靡寧若望雲霓爭獻壺漿而恐後遂愈大漠直抵
伊犁盡掃賊巢永綏絕域化嚴霜為湛露使一方無告
之衆並入堯封收畧度於星輿俾九邱未載之區咸歸
禹鼎尊親共效鴻名顯著於

慈闈爵賞分頒茂典光孚於海宇

兩朝未竟之緒貽萬禩無疆之庥考史筆於燕然未足
方滋偉績擬丹文於岫嶠詎能媲美英聲臣等詩誦車
政賦慚馬射書不工於磨盾露布誰傳武未習夫橫弧
雲臺莫嗣銀河天漢洗清赤塞之塵朱鷺白魚譜入黃
門之曲伏願

止戈為武

綵地成文

開千里之陣雲爪牙不勞夫祈父

靖萬方之兵氣籌策無事於容城慕義向風日照盡衣
冠之會飲和食德月支皆職貢之邦揮弦而愠解南風
人登壽域吹律而陽回北陸世躋春臺將見邛治彌光
四海享昇平之福純禧永錫萬年仰魏煥之猷

皇太后萬壽經壇榜文

伏以

璠樞垂曜九州樂化日之長

彩霞呈祥三輔戴慈雲之蔭祝九如之

純嘏慶洽昌辰合三界之歡心響傳震旦梵天獻壽幾

句呼嵩欽惟

聖母崇慶慈宣康惠敷和裕壽純禧恭懿安祺皇太后

陛下

位合坤元

榮膺晉福誕膺

景命

母為天下之儀載奉

隆稱

尊處域中之極

大安祇奉群欽恭穆之型

長樂早朝每仰寬仁之誨備

九重之尊養允洽鴻庥啓奕葉之光華式昭燕翼我

皇上堯仁廣運舜孝無疆娛

色笑于龍樓雋婉愉于燕喜六旬企社菜衣綵煥山龍

五代承顏鋪袞輝騰雲鳳園開同樂問

安每聽鐘聲館閣長春祝饌常調玉食嵩雲欲日扶鳳
輦以時巡越水吳波駕龍艦而涖止望祥光之縹緲寶
宵明集瑞鷟之氤氲瑤扉畫永茲者歲在重光月惟長
至初睹一陽之至欣逢

萬壽之期百祿是道三靈叶慶敬崇

寶鼎祇奉

徽稱青琅鏤鳳篆之文赤玉環龍璽之鈕

慈瀕有喜翟禕揚愛日之歡

帝澤如春綸綍下重霄之詔溥承歡之渥澤徧決坤紘
推錫類之深仁遠周乾絡維茲歲甸近附京圻地欣得

十錄齋文鈔

氣之先人快瞻

天之近頻歲

龍旂南指已歌夏諺時遊今年

鸞輅東巡更合虞書春狩游氣隨

帝車所指彩蔚山川

行宮映天市名垣星躔牛斗鳳河流濺澤鏡涵萬頃琉

璃雉堞列崇墉屏列千重紫翠家頒帛衆頻沾

聖母之恩戶洽釜鍾盡沐

慈宮之惠黃童白叟悲聯袂以鳧趨鄩屋茅簷盡合鋪
而雀躍簫添東海欣卜算之綿、曲進南山誦遐齡之

繹、臣等微埃浥露小草傾陽俾熾俾昌敷揚莫藜如
山如昇頌禱難工未獲依就日之嚮皇竊自比開風之
燕雀珠幢風轉知帝釋之來歸寶鼎香浮喜佛輝之普
照謹選僧迦百衆恭諷梵帙千巡大啓道場洪宣佛號
風清淨界東皇亦拱北而瞻辰日麗香林西竺且和南
而薦祉龍華百卷開累、之珠函貝葉千弓徹聲、之
玉磬法雲現慶續紛十地三天花雨霏時遍滿雙林八
水懷柔遍百神海岳諸佛亦騎獅乘象以觀

帝光讚誦遍八部梵音羣真自跨鶴駢鸞而朝

母壽結香戒而中嵩祝普現吉祥偕嘏唱以當衢誅共

八劍者之劍

生歡喜伏願

德炳圓霽

福敷仁壽安貞叶吉含萬物以化光慈惠流恩統八紘
而錫慶三登七稔寒暑節而四時成十雨五風陰陽調
而百穀順遂歌巷舞合鳩車竹馬以偕歡川媚山輝共
啼鳥遊魚而咸若則八萬四千娑婆之境俱登無量壽
天三十六億平等之居並入極樂福地矣

道充為貴論

君子之學所以蘄至於道也道之量甚大而其分甚精君子終其身于道中歛然若虛皇然如恐不及凡皆盡其性分之所固有職分之所當為以無負為己之學而已如謂較計于人世榮利之途以自尊其術則馳騁之弊中其隱微無論濡染俗情矯語高尚而總無與于斯道之數通書有曰君子以道充為貴此何以說焉今夫正其誼不謀其利明其道不計其功循循乎下學而上達者君子求道之心也而為天地立心為生民立命為去聖繼絕學為萬世開太平恢恢乎明體而達用者君

子脩道之寔也周子懼學者不明乎斯道之本然而誤
役其才智未免習熟見聞因仍卑陋規得失于尺寸以
追時好而取世資日喪其良貴而不之悟也故曉以道
充為貴脩審乎內外輕重之分有以深思而自得之其
語似淺而寔深其義至明而且切而卒不可以易夫所
謂道者無他明德新民各止於至善而已固不等於異
學之虛無亦豈記誦見聞之粗迹所可襲取而淺嘗者
哉識其在我而敬以存之明諸心驗諸事則夫脩身事
親齊家治國以至平天下之務與凡聖賢之語言古今
之成敗下而建乎禮樂之名數食貨之源流兵刑之法

制莫非天命民彝之所流貫也積累蘊蓄以追乎資深
逢原之境則守之貴行之利廓之配天地矣故曰充也
此無論勢位紛華不堪相擬即一時之功名詞章議論
風烈所繫孰為大小所施孰為短長其貴與否必有能
辨之者雖然道不易充而求其所以充者亦不外通書
而得之誠心端身所以質其本也謹幾慎動所以持其
要也希聖達天所以造其極也而入德之門必自立志
始志伊尹之所志學顏子之所學則求志達道一以貫
之矣朱子謂今人要作貴人而不要作好人皆志不立
之病象山陸氏欲人辨志而戒夫官資廩祿是計胥此

意也學者誠知為君子儒而嚴絕乎人爵之慕庶所貴
在我而無負先儒丁寧之至意乎